



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1/20  
Sarajevo, 01.01.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**

**za period od 07:00 sati 31.12.2019. do 07:00 sati 01.01.2020. godine**

**Kantonalna uprava civilne zaštite Kantona Sarajevo:** Pripadnici Kantonalne uprave civilne zaštite Kantona Sarajevo u izvještajnom periodu imali su 16 intervencija, dvije veće i četrnaest manjih. Dana, 31.12.2019. godine u 19:12 sati došlo je do požara u kući u ulici Nadmlini br.1 općina Stari Grad, gorila je greda na kući. U intervenciji je učestvovalo sedam vatrogasaca sa dva vatrogasna vozila. Požar je likvidiran u 20:26 sati. Povrijeđenih nije bilo, pričinjena je materijalna šteta. Dana 01.01.2020.godine u 00:58 sati došlo je do požara na krovu kuće u ulici Vladimira Nazora br.7 općina Novi Grad. U intervenciji je učestvovalo pet vatrogasaca sa dva vatrogasna vozila. Požar je likvidiran u 01:26 sati. Povrijeđenih nije bilo, pričinjena je materijalna šteta. Ostale intervencije su bile manjeg inteziteta i to: dvije na obezbjeđenju (kulturnog događaja i vatrometa), šest na gašenju smeća u kontejnerima, jedna tehnička (zaglavljen lift), jedna na gašenju zapaljenog devastiranog objekta, jedna na gašenju zapaljenog plasta sjena i tri na gašenju zapaljenog dimnjaka.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.



**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila  $-6^{\circ}\text{C}$ , vlažnost zraka 88%, barometarski pritisak 956,2 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu. Pojačan oprez ovoga jutra savjetujemo zbog niskih temperatura koje pogoduju formiranju poledice na kolovozu. Posebno izdvajamo dionice u planinskim predjelima, kao i na mostovima i prilazima tunelima. Zbog proslave Nove 2020 godine, danas od 17h do sutra do 01h, doći će do zabrane saobraćaja u ulici M.M. Bašeskije (na dijelu od spoja sa ulicom Pehlivanuša do spoja sa ulicom Kaptol), u ulici Maršala Tita (od spoja sa ulicom Kaptol do raskrsnice sa ulicom Radićeva) i u ulici Čemaluša (od spoja sa ulicom M.M. Bašeskije do spoja sa ulicom Ferhadija).

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
DEŽURNI OPERATIVAC

**Salko Zaimović**

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



---

web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1